

## NA MEJI RASULA

"Vavik bil je prvi va sakoj izgradnji,  
zadnej kapi krve svoje on poklanjal,  
i ostal je nebog zavavik najzadni,  
sakomu se klanja, a nikad se ni klanjal.

Nad njen danas drimlje beskrajna tišina,  
moderan se život va njen več odvija,  
retke su tu napi i bačve od vina,  
i starinske pismi ča pival san prija.

Danas Bribir diše tuliko da živi,  
nigda bil je prvi v sakon našen rati,  
okolina cela vavik mu se divi,  
zaslugi mu vele nijedan ne krati.

Zato stoji sada, na meji rasula,  
i starih je zidih ostalo tu malo,  
nad njen strši samo frankopanska kula,  
ili ono čaj sada od nje ostalo.

Okol njega skupa cvatu glog i ruže,  
saki od nas ima totu niku ranu,  
pak se pitan kad će već jednučka Bože,  
da i njemu najzad lipi dani svanu.

Zadužil mej zato, da o njen ja pivan,  
va mej puhnul snagu i duha i volje,  
dužan san da vrnen svitu njegov divan,  
zač gaj meni rekal upravo najbolje."

Joža Ugrin